



სსიპ ბათუმის შოთა რუსთაველის
სახელმწიფო უნივერსიტეტი

05 დეკემბერი, 2025 წ.

წარმომადგენლობითი საბჭოს გადაწყვეტილება N 07-01/37

„ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებაში ცვლილების შეტანის თაობაზე

„უმაღლესი განათლების შესახებ“ საქართველოს კანონის მე-18 მუხლის, საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანებით დამტკიცებული ბსუ-ს წესდების მე-10 და 56-ე მუხლების, ბსუ-ს ხარისხის უზრუნველყოფის სამსახურის ხელმძღვანელის სამსახურებრივი ბარათის (N1727299, 04/12/2025), „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის განხილვის თაობაზე“ ბსუ-ს აკადემიური საბჭოს 2023 წლის 5 სექტემბრის №06-01/98 დადგენილებაში ცვლილებების შეტანის თაობაზე“ ბსუ-ს აკადემიური საბჭოს 2025 წლის 05 დეკემბრის N06-01/191 დადგენილების, წარმომადგენლობითი საბჭოს რეგლამენტის და სხდომის ოქმის (N07-02/10, 05/12/2025წ.) საფუძველზე წარმომადგენლობითმა საბჭომ

გადაწყვიტა:

1. „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებაში კერძოდ, N1 დანართის (წესის):

1.1. პირველი მუხლის („ზოგადი დებულებები“) მე-3 პუნქტის (აკადემიური თანამდებობის პირის ვალდებულებები) „ა“ ქვეპუნქტი ჩამოყალიბდეს შემდეგი რედაქციით:

„ა) შეასრულოს შრომის ხელშეკრულების პირობები, სასწავლო და სამეცნიერო-კვლევითი სამუშაოს შესრულებასთან (აკადემიურ საქმიანობასთან) დაკავშირებით, ბსუ-სთან აფილირების და აკადემიური (შრომითი) დატვირთვის კატეგორიის განსაზღვრის შესახებ, ასევე შეთავსებით სამუშაოს (სხვა ანაზღაურებადი საქმიანობის) განხორციელებაზე თანხმობის მისაღებად საქართველოს კანონმდებლობის, ბსუ-ს პერსონალის მართვის პოლიტიკის, ბსუ-ს შინაგანაწესის, წინამდებარე წესის ან/და ბსუ-ს სხვა სამართლებრივი აქტების მოთხოვნები;“;

1.2. პირველი მუხლის მე-3 პუნქტის შემდეგ დაემატოს შემდეგი შინაარსის მე-4 და მე-5 პუნქტები:

„4. სასწავლო წლის დაწყებამდე ბსუ-ს რექტორის ბრძანებით განისაზღვრება ბსუ-ს აკადემიური პერსონალის ბსუ-სთან აფილირებისა და აკადემიური (შრომითი) დატვირთვის კატეგორია, აკადემიური პერსონალის მიერ წარმოდგენილი განაცხადების საფუძველზე (მათ შორის შეთავსებით სამუშაოს შესრულებაზე რექტორის თანხმობის მიღების განაცხადზე ბსუ-ს რექტორის თანხმობის გათვალისწინებით).

5. საქართველოს კანონმდებლობის, ბსუ-ს შინაგანაწესისა და ამ წესის მოთხოვნების გათვალისწინებით, ბსუ-ს რექტორის ბრძანებით მტკიცდება (განისაზღვრება) აკადემიური პერსონალის აკადემიური დატვირთვის კატეგორიის/აფილირების (ან ცვლილების) განსაზღვრისათვის დასაქმებულის მიერ წარმოსადგენი განაცხადის ფორმები, შეთავსებით სამუშაოზე/ანაზღაურებადი საქმიანობის განხორციელებაზე წერილობითი თანხმობის მიღების თაობაზე განაცხადის ფორმა, ამ განაცხადების წარმოდგენის ვადები და პირობები ან/და სხვა საორგანიზაციო ღონისძიებები.“.

1.3. მე-4 მუხლის („მუხლი 4. აკადემიური პერსონალის სამუშაო (აკადემიური) დატვირთვის კატეგორიები“) მე-3 პუნქტი ჩამოყალიბდეს შემდეგი რედაქციით:

„3. „ა2“ კატეგორიის დატვირთვა განესაზღვრება ბსუ-სთან აფილირებულ აკადემიურ თანამდებობის პირს, რომელიც სხვა დაწესებულებაშიც ახორციელებს საგანმანათლებლო საქმიანობას (სასწავლო კვირაში არაუმეტეს 6 აკადემიური საათი/სემესტრში მაქსიმუმ 90 აკადემიური საათი), აკადემიური თანამდებობის დაკავების გარეშე, თუ ამით ხელი არ ეშლება მის მიერ ბსუ-ში ძირითადი სამუშაოს შესრულებას.“;

1.4. მე-4 მუხლის მე-6 პუნქტი ჩამოყალიბდეს შემდეგი რედაქციით:

„6. „ბ2“ კატეგორიის სამუშაო (აკადემიური) დატვირთვა განესაზღვრება ბსუ-სთან აფილირებულ აკადემიურ თანამდებობის პირს, რომელიც სხვა დაწესებულებაშიც ახორციელებს საგანმანათლებლო საქმიანობას (სასწავლო კვირაში არაუმეტეს 12 აკადემიური საათი/სემესტრში მაქსიმუმ 180 აკადემიური საათი), აკადემიური თანამდებობის დაკავების გარეშე, თუ ამით ხელი არ ეშლება მის მიერ ბსუ-ში ძირითადი სამუშაოს შესრულებას.

1.5. მე-6 მუხლის (მუხლი 6. აკადემიური და მოწვეული პერსონალის სამუშაო დატვირთვის ფორმირება“) მე-2 პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) სხვა დაწესებულებაში (უსდ-ში/პსდ-ში/სკოლაში/ცენტრში ან/და სხვა) განსახორციელებელი საგანმანათლებლო საქმიანობა (მათ შორის სემესტრში/სასწავლო წლის განმავლობაში შესასრულებელი აკადემიური საათების ოდენობის მითითებით) ან/და სამეცნიერო აქტივობები და ვალდებულებები“

1.6. მე-11 მუხლის („მუხლი 11. გარდამავალი დებულებები“) მე-2 პუნქტის „ა“ ქვეპუნქტი ჩამოყალიბდეს შემდეგი რედაქციით:

„ა) ამ წესის ძალაში შესვლამდე ბსუ-სთან მოქმედი შრომითი ხელშეკრულების მქონე პროფესორებზე - ბსუ-თან დადებული შრომითი ხელშეკრულების ვადის ამოწურვამდე პერიოდში (ვადიანი შრომითი კონტრაქტის მქონე პირების შემთხვევაში, ხოლო უვადო პროფესორისათვის - არაუგვიანეს მომდევნო ატესტაციის წლამდე) დასაშვებია სხვა დაწესებულებაში ეწეოდნენ აკადემიურ ან/და სამეცნიერო საქმიანობას, თუმცა შრომითი დატვირთვა უნდა შეესაბამებოდეს წინამდებარე წესით განსაზღვრული სამუშაო დატვირთვის დასაშვებ ზღვრულ ოდენობას.“;

1.7. მე-11 მუხლის („მუხლი 11. გარდამავალი დებულებები“) მე-8 პუნქტის შემდეგ დამატოს შემდეგი შინაარსის მე-9 პუნქტი:

„9. 2025-26 სასწავლო წლის შემოდგომის სემესტრში „კორუფციის წინააღმდეგ ბრძოლის შესახებ“ საქართველოს კანონის მოთხოვნიდან გამომდინარე ბსუ-ს აკადემიური თანამდებობის პირთა მიერ წარმოდგენილი შეთავსებით სამუშაოზე/ანაზღაურებადი საქმიანობის განხორციელებაზე წერილობითი თანხმობის მიღების თაობაზე განაცხადების განხილვის შედეგად ბსუ-ს რექტორის მიერ გაიცეს წერილობითი თანხმობა/პირობითი თანხმობა (თანდართული საინფორმაციო ბარათით):

ა) თანხმობა, 01.11.2025 წ.-დან არაუმეტეს 1 წლის ვადით - იმ შემთხვევაში, თუკი აკადემიური თანამდებობის პირის მიერ წარმოდგენილი განაცხადის შინაარსი (ან/და წარმოდგენილი ცნობა/ცნობები დასაქმების ადგილიდან/ანაზღაურებადი საქმიანობის შესახებ) არ ეწინააღმდეგება (შეესაბამება) ამ დასაქმებულის ბსუ-სთან აფილირების შეთანხმებას, მიმდინარე სასწავლო წლისათვის ბსუ-ს რექტორის ბრძანებით განსაზღვრული აკადემიური დატვირთვის კატეგორიას ან/და საქართველოს კანონმდებლობით, ბსუ-ს წესდებით და ბსუ-ს შინაგანაწესით გათვალისწინებული თანამდებობრივი შეუთავსებლობის რეგულაციას;

ბ) პირობითი თანხმობა, 01.11.2025 წ.-დან 2025-26 სასწავლო წლის შემოდგომის სემესტრის ვადით (ბსუ-ს აკადემიური თანამდებობის პირის ბსუ-სთან აფილირების შეთანხმების და მიმდინარე სასწავლო წლის აკადემიური (შრომითი) დატვირთვის კატეგორიის, ბსუ-ს აფილირების წესთან შესაბამისობაში მოყვანის, ბსუ-ში შრომით საქმიანობასთან დაკავშირებით ბსუ-ს სხვა რეგულაციების და საქართველოს კანონმდებლობის მოთხოვნების დაცვის პირობით) – იმ შემთხვევაში, თუკი ბსუ-ს აკადემიური თანამდებობის პირის მიერ წარმოდგენილი განაცხადის შინაარსი (ან/და წარმოდგენილი ცნობა/ცნობები დასაქმების ადგილიდან/ანაზღაურებადი საქმიანობის შესახებ) არ შეესაბამება ამ დასაქმებულის ბსუ-სთან აფილირების შეთანხმებას, მიმდინარე სასწავლო წლისათვის ბსუ-ს რექტორის ბრძანებით განსაზღვრული აკადემიური დატვირთვის კატეგორიას ან/და საქართველოს კანონმდებლობით, ბსუ-ს წესდებით და ბსუ-ს შინაგანაწესით გათვალისწინებული თანამდებობრივი შეუთავსებლობის რეგულაციას.“

2. წინამდებარე გადაწყვეტილებით განხორციელებული ცვლილებები გავრცელდეს 2025 წლის 01 ნოემბრიდან წარმოშობილ სამართლებრივ ურთიერთობებზე.
3. წინამდებარე გადაწყვეტილების გათვალისწინებით მომზადდეს კოდიფიცირებული „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესი“ და ამ გადაწყვეტილებასთან ერთად განთავსდეს ბსუ-ს ვებგვერდზე.
4. გადაწყვეტილება დაეგზავნოს ბსუ-ს მართვის ორგანოებს, რექტორის მოადგილეებს, სასწავლო პროცესის დეპარტამენტს, საქმისწარმოების სამსახურს (კანცელარია), იურიდიულ დეპარტამენტს, საინფორმაციო ტექნოლოგიების სამსახურს, საფინანსო-ეკონომიკურ დეპარტამენტს, სამეცნიერო კვლევების სამსახურს, ფაკულტეტებს, სამეცნიერო-კვლევით ერთეულებს და პერსონალს.
5. გადაწყვეტილება ძალაშია ხელმოწერისთანავე.
6. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

წარმომადგენლობითი საბჭოს სპიკერი,
პროფესორი

ჯემალ კარალიძე